

11
Phez y J. Urbani / de la
gus rom Zu Pünst Wigon
Concilio in Mantua,
Wittenberg. 1537.

Handwritten scribbles and a faint star-like symbol.



AB 67 9/2

AB 67 8/2

112
139



Ein vndericht dem

Churfurstenn von Sachsen
zugeschickt / warüb die
Augustiner zu wit-
tenberg nit meß //

halten.



Ms. B. XXij.

075



Durchleuchtigester hochgeborner Churfurst/ vnser vnthernige verpflichte gehorsame diennst/ alle tzeye zuuor. Benedigter herre wir haben auff ewer Churfurstlich gnaden beuelche die Augustiner müeblich vn schriftlich gehört/ befunden/ dz sie in der summa auf dreyer vsachen jre meßhaltenn/ haben nach gelassen/ wie ewer Churfurstlich gnade auf jrer hierin ein geschlossener zettel vernemen werden.

Die ein geschlossenn zettel.

Zum ersten/ dweil ein grosser vncristlicher myßbrauch der messenn in aller welt/ geystlich vnnd weltlich gepflantz ist/ das in auch keyn mensch/ auf den hertzen der menschen nemen kann/ in dem das die messe fur ein gut werck/ dar durch wir gott versunen/ jme etwas oppferen/ vnd geben fur vnser funde/ angenomen ist/ auch fur ein andern ein solich oppfer/ mog fruchtbarlich vnd nutzlich thun. Vnnd dar vmb haben die augustiner nichtt mehr wollenn meß halten/ dweyl solich meß halten wie bis her geprauch/ solchem myßbrauch krafft vnd macht geben/ vn wollē darmit die warbafftigen meß/ wie sie Christus vnd die apostelenn eingesetzt vnnd gehalten haben wider in gebrauch vnd vbung bringen.

Zum andern/ so seyn die messen wie sie jtzo gehalten werden wider den gebrauch vnd vbung Christi vnd der apostelen eingesetzt/ dan Christus hett yr zwelff/ vnd die apostelen den hauffen/ vnd nicht allein communiciert/ wie dann auch Paulus/ den Corintheren primitias cenas verbeut.

Zum drittenn/ So Christus bede gestalt zu geben gebotten vnd ein gesetzt/ dweill dann die messe byß her gehalten/ also verordent sein das mann den vmbstendigenn eyn gestalt allein gebenn. So wissen sie nicht mit gutem gewissenn solche messe tzu becreftigenn.

Auff die jr meynung wollenn wir ewer Churfurstlich gnade vnser gut bedunck eroffnen/ vnd bitten vndertheniglichen ewer Churfurstlich gnade wolle vns gnedigklichenn mit fleysß horen/ mit den orenn des geyst/ welchenn menschliche kunst vnd weyßheit der welt veracht/ vnnd alleinn gotliche weyßheit im geyst verborzen/ hoch achren vnnd annemen.

A ij



175
Es ist kein grosser sundt auff erdenn/dan der myßbrauch der messen/dan der heylig Paulus hat so hoch vnd schwere ein klein myßbrauch der messen bey den Corinthern das sie allein prechtig darmit vmb gingu/angezeigt in dem do er spriche welcher nit vnderscheid hat/vnder dem leichnam Jesu christi der isst den todt/vnd seind yr vil darumb mit der pestilentz gestrafft wordenn. Weil wir dann itzo/ein vill grosserenn mißbrauch der messen haben. So ist es kein zweifel/wir werden schwerlichenn gestrafft/mit krigenn/pestilentz/wie dann vor augen ist/welchs das gross ist/mit blindheit der vernunft/wie dan clerlichen erscheint/bey denen/die teglich meßhalten. Sie hanthaben vnd schutzen/dann die meß in jrem furnemlichstenn teyll manducatio/alles was sunst dar tzu gehort/ist von menschen den besten tzu gesatzt vnd teglich mit der zeit gemert worden. Vnd die sellbige manducation/ist nicht mehr/dan wan ein leye zum Sacrament ein gewyß tzeichē dar durch wir erindert werden vergebūg aller sundē. Als chrus selbst sagt/So oft ir es thut so thut das/das ir mein daran gedenckt/das ist/das jr gedenckt an die gnade vnd barmherzigkeit gottes die euch durch meinenn todt geben vnd erzeygt ist.

War auß volgt das die messe nit ein gut werck sey dar mit man gott etwas opfferen oder gebenn mag fur sich oder fur eynenn andern/das sacrament genießenn mag wie dann auch keiner fur den andern mag getaufft werden.

Nun ist es offentlich am tag/das alle messenn gestiftt sein als gute werck/do mit wir vnser vnd anderer sunden mugen gnug thunn/welchs nichts anderst ist/dann ein verblendung des christlichenn glaubens/vnd warhaftig mißbrauch des heyligen sacraments.

Do her ist kumenn/das alle wochenn vier oder funff messe in allenn stiftenn geordnet vnd gesundert sein/do durch die pösen pfaffen meß tzu halten vmb gelts willen erfrewt werden/vnd ob gleich auch frumme priester dar vnter werenn die geren das heylig sacramentt recht nach jrem gewissenn prauchenn wolten/die mussenn doch auß solcher stiftung vñ ordnung oft mit verdrieff en lust vnd verlengenn jrer gewissen meß haltenn.

War auß mag ewer Churfurstlich gnad wol ermessen was fur nutz oder frommenn bringen mag/szo ein sunder vmb eygen genyß willenn/oder ein frummer auß tzwangk der sun-

dacion onn lust vnd lieb/ auch oft wider sein gewissenn messe halten muß/ dann es ist vnmüglich das auch ein frummer vñ geystlicher priester /so oft lust vñnd liebe habe messe tzu halten/ ais oft er durch die fundacionn verbunden vñnd verpflichtet ist.

Und ob etliche sprechen wolten/ die gebethe in der messen sein andern gutt nutz vñ fruchbar/ wen auch manducatio des priesters nyemant tzu hilff vñnd trost queme. So kann auch wer Churfürstlich gnad woll ermessen/ wie das gepett eins sundigenn priesters oder frummenn/ der es mitt vnlust thutt nutzlich sein/ vñnd wenn es gleich auff das beste volbracht so ist eins frummenn priesters gebet in der mess nichtt besse dann eins frummen leyen in seiner kamer.

Es seindt auch die messenn/ fur die todten auß oben angezeygten vsachen instituir worden/ vñnd dergleichen vil betriegerey/ welche man (so es zu der betriegerey nicht sund were) wol leyden mocht. Z weil es aber treflich sund ist/ so solle man sie in keinen weg dulden noch leiden/ Wan sich auch die gantz welt daran ergert.

Darumb welle ewer Churfürstlich gnad als ein christlicher frist/ vnther welchem das heylige euangelium wider ann tag komen ist geburen/ vñnd ewr Churfürstlich gnadenn selenn seligkeit vñnd heyll/ solchen mißbrauch der messen in ewr Churfürstlich gnaden kirchen ab tzu brechen/ vñnd widerumb denn warhaftigen gebrau b der messenn/ wie es christus vñnd die apostelen gehalten haben ein tzu setzen.

Wemlich das alwegern/ wenn das volck tzu samen kome/ so wart das wort gottes gepredigt. Und darumb kome das volck auch zñamen/ vñnd auß keiner andern vsach/ vñnd darnach gebenediciert ciner weyn vñnd prott/ vñnd das dyse weyß vñnd form die best ist/ so ver auch die schwerst/ welch auch die Augustiner in jrem furnemen bewegt hat/ das der alt brauch der messe wider umb vernewert wurd.

Und weil die augustiner nicht wollen der mess mißbrauchẽ sunder frey vngewungen mess halten/ thun sie recht. Das sie aber anzeygenn/ es soll keyner allein communiciren schleußt nicht als vhest vnser furnemẽs wie wol es war ist/ dz die vsachen so sie die ergerung anzeygenn/ das die messe wie sie itzunt von einem priester gehalten vñ iett vsach gibt den anderen eynfeltigen priestern in jrem myßbrauch der messenn/ tzu sterbenn gnugk gut ist/ jedoch beleydet nicht/ das man

B ij



545
die schwachen bruder in glaubenn einn zeyt lang dulde vnn
leyde byß sie besser in wort gottes vnter weyßt werdenn / als
Paulus vns gelert hat.

Was sie auch anzeygen in der vsach / das christus im abēt
essenn / jr vielen ein leichnam geben habe ist ein geschicht kein
gesetz noch gebothe. Was sie aber in der drittē vsach beyder
gestalt halben belangt / angezeygt haben / können wir nit ver
werfē wir konnē auch nicht die eyn gestalt allein geben oder
annemē genugsam entschuldigen / dan Christus hat es gebot
ten / vnn auff gesetzt. Do er sprach jr solt alle darauff trinc
ken. Imperatiue.

Sye suchenn wol schutz oder hilff rede / die einn gestalt ge
benn aber ist nit onferligkeyt / dar vmb wer von notenn das
der erst gebrauch des sacraments wider vmb inn der Christ
lichen kirchen eingesetzt vnn verneuet wurde / vnd Summa
summarum beschliflich da von tzureden / wenn wir die weyß
vnd form / wie es in euangelio geschriben gehalten / weren wir
der sachen on allen zweyffel gewyß vnd konten nichts irren.

Dweyl wir aber menschen gesetz vnn ordnung / wie gut
heylic vnd geystlich sie seint / dar vor vns Christus vnd Pau
lus so oft treulich gewarnet haben / so wissenn wir nicht ob
wir recht haben oder wol thun / vnd seindt aller sach vngwyß
vnd zweyffelhaftig. Vnn wie wol es gewyß ist / das durch
menschen gesetz vnn lere die gantz welt / vnn auch wen es
muglich were / die auferweltenn soltenn in irthumb verfurt
jedoch ist solich gesetz vñ lere der menschen also eingebildet /
das er mehr dar von helt vnd sie grosser acht dann gottes ge
bott / auff das die schrift erfult werde. Exaltatur super om
ne quod dicitur deus.

Wer halben bitten wir in aller vnterthenigk. : ewer Thur
furstlich gnade / woll als ein cristlicher furst tzu der sach mit
ernst thun vnn solchen mißbrauch der messe in ewer Thur
furstlich genaden landen vnd furstenthumb baldt vnd vnuer
seumlich ab thun / vnd weltliche schandt vnd vnere / vnd das
ewer Thurfurstlich gnade ein Behem vnd ketzer gsch. o'ten
wirt gar nichts achten. Dann alle die vmb gottes wort willen
etwas thun / die müssen solchen hon vnere vnt schand dulden
vnd leyden / vnn wirdt es in keinem vertrag habenn auff das
ewer Thurfurstlich gnade von christo am iungsten tag nit mit
Capernaο furgeworffen werde / das solch grosse gnade vnd

wunder/ vnd barmhertzigkeit inn ewer Churfurstlichenn
gnaden landen vmb sunst on vnser tzurun geschehe. Das das
heylig euangelium geoffenbart erobert/ vñ an den tag komen
ist/ der halben er auch von ewer Churfurstlich genadenn der
gnade vnd gabe ewer Churfurstlich gnade vor allenn andern
konigen vnd fursten ertzeygt/ wurdte rechnung fordern.

So vil nun die augustiner betrifft/ ist vnser beduncken kein
sundt allein messe haltenn so mann sonst der messe nicht mis-
praucht mann sol auch nyemants weren allein vnd priuatum
messe haltenn.

Doch woe diese der massen anfangen messe tzu haltenn wie
sie sich lassenn vernemenn nach der form des euangely wissen
wir nicht zuuerlaugnen.

Bittenn der halben ewer Churfurstlich gnade woll es als
ein cristlicher Churfurst in genediges bedencken nehmen. Da
mit beuelchenn wir vns ewer Churfurstlich gnade inn aller
vntertbenigkeytt. c 2


Handwritten text, likely bleed-through from the reverse side of the page. The text is mirrored and mostly illegible due to fading and ink bleed-through. Some faint words like "Herrn" and "Gott" are visible.



AB 67 ^g/_{g, 2}

X 219 9476

TA → OL



270

2

Ein vndericht dem

Churfurstenn von Sachsen
zugeshickt / warüb die
Augustiner zu wit-
tenberg nit meß //
halten.



MD. D. XXXij.

